

楚辭卷十一上之上

照人獻納孫輯

龍鄉賢祠明四十五人元張景雲明尹保胡凝祿
繼孫繼先夏繼皆人儒林傳澄葉泰劉輔孫均增龍
施皆人早行共十一人其三十四人皆入官修

官續

李忠初名符洪武中以選貢入監太祖見其貌

甚厚遂賜名忠洪武甲子歲

昆明縣志卷之六

縣人戴綱孫輯

黎獻志第十一上之上

祀鄉賢祠明四十五人元張景雲明尹葆胡廷祿段
纁孫繼先夏誥皆入儒林傳澄葉泰劉輔孫光遠龍
施皆入卓行共十一人其三十四人皆入宦績

宦績

志鄉賢

李忠初名特洪武中以選貢入監太祖召見便殿賞賚
甚厚遂賜名忠其後甲戌成進士知陝西鳳翔縣威惠
兼濟有古循吏風

志鄉賢二

志鄉賢三

志鄉賢四

通志官績

段鑑字至明永樂辛卯舉人宣德間知四川嘉定州事
斷獄如神擢廣東惠州府知府卒官兩地並祠祀之
李純永樂甲午舉人倜儻有智略正統中官御史巡按
遼東會土木之變選精騎嚴兵固守及也先入寇設伏
逆擊斬獲無算論功擢遼東巡撫後復移撫榆林大虜
壓境微服潛行賊中盡得其虛實部署諸將擊其不備
大破之卒於官

洪誠字克敬永樂戊戌進士少厲志行累官四川順慶
知府所至以廉明稱

張謙字抑之宣德初貢入監選授監察御史巡按江西

志宦績

風采凜然監臨鄉試之役防維縝密內外一清後擢湖廣副使卒於官時又有李灝者字至剛亦以御史巡按交趾持法廉明總憲某薦諸召用之未至卒

志宦績

李暢字時亨宣德丙午舉人知貴州思南府以惠愛稱後施秉知縣李圭者亦宣德乙卯舉人也擢光祿寺丞

志宦績

施秉民祠祀之

志宦績

官廉字惟清宣德己酉舉人有孝行歷官四川參議廉明清正大有循聲

志宦績

張淑字子善宣德庚戌進士由監察御史擢按察司僉事風采端肅法紀嚴明

志宦績

趙誠字仲實監生知湖口縣慈祥愷悌撫字有方俸滿當遷民赴京請留復任九載調四川仁壽縣賢聲益著歸老於家

志宦績

陳安正統辛酉舉人歷官戶部主事立品方正鄉里重之

志宦績

剛正字守正正統丁卯舉人官建昌府同知廉明有聲乞歸後年九十卒

志宦績

施銓字文衡景泰庚午舉人知永從縣有惠政民祠祀之著有東軒集

志宦績

呂禴字宜簡景泰丙子舉人知隨州嚴明廉慎值歲飢

志宦績

出倉廩賑貸民恃以活

金鎧知墊江縣時藍賊倡亂有保障功

志鄉賢六

趙璧字蘭完成化壬辰進士官刑部郎時大監蔣宗誣奏南科後湖不法事行璧勘直之宗奏璧右科道左遷吉安通判歷四川副使所至多善政後乞歸著有茶花譜及詩文集

志鄉賢七

唐瑑成化乙未進士爲刑部郎持法不阿有客懷金夜入其門卻之亦不發於人致政歸學者稱貞碩先生

志鄉賢九

李宗泗字希顏成化辛丑進士任池州府推官以廉能著擢南京廣西道御史有風裁時馬政多弊宗泗一一

志鄉賢十

一 志鄉賢十

肅清之後累官江西按察司副使會長河等洞賊掠境出奇制勝屢有戰功以勞卒官年五十七

李宗儒字希雍宗泗弟也成化甲辰進士居父喪哀毀骨立廬墓三年官刑部郎以平允稱卒官日囊無餘物惟退食漫吟稿一帙而已

夏暹字景升成化甲辰進士兩任湖廣參政皆有廉名擢平涼苑馬寺卿適小王子用兵軍官以首功數十歸暹卻不受轉廣西左布政使卒於官孫較以歲貢任畢節教諭三世皆清貧

吳九功字時叙宏治壬子舉人官山東僉事時齊東歲

二 志鄉賢十

通志卓行

飢貧民相聚爲盜九功單車抵賊巢諭以禍福皆感泣
解散以勞卒官

方矩宏治癸丑進士歷官禮工兩科給事中以劾劉瑾
擅權被斥瑾敗擢山東參議慎官守勤民事賢聲大著
後以老去官尋卒子化聞訃毀甚亦卒人以爲至性誠
篤不媿矩子焉

志鄉賢十
三

毛玉字國珍更字用成宏治乙丑進士由行人擢南京
吏科給事中劉瑾既敗大盜蠡起玉言大學士焦芳劉
宇實亂天下請顯戮以謝萬姓餘所論劾四十餘人皆
沿僉論羣盜擾山東河南玉請備兵留都已而盜果渡

江以備嚴不敢犯御史林有年諫迎佛烏斯藏下獄王
抗疏救之有年僅奪俸世宗即位興邸諸內官怙寵漸
驕佚玉即疏論武帝時事勸帝戒嗜慾杜請託以破僥
幸之門塞蠱惑之隙帝嘉納焉時宸濠戚屬連逮者數
百人玉奉命往訊多所全活且言宸濠稱亂由左右貪
賂釀成之因劾守臣不死者而禁天下有司與藩府交
通帝皆從之大禮議起玉與毛紀毛澄張元范鍾楊慎
諸人跪門哭諫帝震怒下獄受杖竟卒後贈光祿寺卿
所存奏議十卷玉自幼孝於繼母里人稱之

王輔正德丁卯舉人知南部縣愷悌節儉人稱之曰古

志鄉賢十
六

君子子紅臣亦著孝友聲仕至龍安府同知

孫繼魯字道甫嘉靖癸未進士少負奇質所讀書過目
成誦知澧州坐事改國子助教歷戶部郎中監通州倉
歷知衛輝淮安二府織造中官過淮繼魯與之忤誣逮
至京大學士夏言救免繼魯出不謝言不悅改補黎平
擢湖廣提學副使進山西參政數繩宗藩以法既遷按
察使宗藩百餘人擁馬發其裝敝衣外無長物乃載酒
謝過俄遷陝西右布政使尋擢副都御史巡撫山西會
總督翁萬達議撤山西內邊兵并力守大同繼魯爭之
兵部是繼魯而帝方倚萬達夏言亦惡之不爲地遂逮

下詔獄繼魯讀易賦詩獄中無楮乃以飯盤畫壁與同
時得罪御史楊爵倡和凡百餘首名飯盤集竟瘐死繼
魯耿介所至以清節聞爲巡撫僅四月山西人習其前
政冀有設施遽以非罪死咸痛惜焉時宗藩有上書訟
其冤者即前發裝者也穆宗既立贈兵部左侍郎賜祭
葬廕一子謚曰清愍

黃鳳翔字冲霄嘉靖丙戌進士與兄鳳翔少相師友皆
有名於時官刑部郎尙風節以鞫閹宦盜宮嬪寶簪獄
尙書唐龍恐階禍出之知重慶府執法不阿爲當事所
忌拂衣歸杜門讀書所著甚富楊慎嘗語蜀人簡西巖

志鄉賢十
九

曰黃竹泉宇內未易得也

竹泉鳳翔字

施昱字子貞嘉靖丙戌進士官刑部郎以議張延齡獄
不稱旨落職家居八年起補貴州僉事威惠並行士民
繪像祀之瓦店驛峻嶺夾江民苦難渡昱設法爲巨橋
覆以屋後值黔中鄉試錄文犯忌罪監臨御史波及之
謫茶陵州同游轉知大名府遷湖廣僉事駐承天時百
務紛沓昱一意卹民不徇時好雖見忌嫉弗顧也尋擢
光祿寺少卿卒昱孝友醕飭所著有禮經疑問藏於家
陶庚字星予嘉靖丁酉舉人仕至承天府通判守正不
阿嘗曰楊震辭金時苗留犢前史稱之此尋常事惡足

奇也歸田卜築慧光寺右日望西山吟詠屏跡城市澹然無求知雲南府某造門請爲鄉飲賓辭不就乃作詩曰可笑夷門老賓客等閒卻上信陵車可以知其志矣
余應桂字夢徵嘉靖丁酉舉人少孤事母至孝知灌縣保民如子采山大役報成民不知擾蜀人頌之擢重慶府同知清戎政理鹺務有能聲後知南康府興學正俗均糧息盜入覲卒

劉體仁字元卿嘉靖庚子舉人官保甯通判嚴毅慈惠卓有政聲卒於官

張時舉嘉靖庚子舉人官平陽府通判子繼芳嘉靖甲

志鄉賢二
十二

子舉人官嘉興府同知並以才著今海甯所築塘堰繼
芳規畫也

楊秉和字節甫嘉靖庚子舉人初宰臨漳卻金辨獄繼
擢知汝甯府會宗府奪地自益疏聞下臺臣久不決秉
和慷慨啟王陳利害卒還所奪地以歸民時稱廉能歷
官刑部員外郎後乞歸

志鄉賢二
十三

顧天佑字吉輔嘉靖癸卯舉人知建始縣孤城介在蠻
峒歲比不登天佑竭力保障招輯蠻黨綜覈隱古邊鄙
遂安遷保甯通判捕大盜得其巢盜黨密以重賄求免
卻不受因立擒之後致政歸里以經學授徒所著有浮

談著說等卷藏於家

嚴清字公直嘉靖甲辰進士歷知富順邯鄲兩縣皆以廉能著聲入爲工部郎董作京師外城修九陵綜核出入省費鉅萬擢知保定府故事歲籍民充京師庫役清罷之遷易州副使陝西參政四川按察使右布政使並以清望著隆慶初以右遷都御史巡撫四川清久宦川中寮吏憚其風采皆相率厲名行奏改金錢當輸京師者二十餘萬就近抵陝西佐邊費定番僧貢額罷有司團操痛絕強宗悍吏毀者亦衆陝西賊流入境巡按御史王廷瞻劾清縱寇大學士趙貞吉言清約已愛人省

事任怨蜀方倚清如父母柰何棄之清卒解官去萬歷
二年起撫貴州歷南京大理卿三遷刑部尚書張居正
當國尚書不附麗者獨清居正既卒籍馮保家得廷臣
餽遺籍獨無清名神宗深重焉以清爲吏部尚書日討
故實辨官材自丞佐以下皆親署無一倖進者中外師
其廉儉書問幾絕甫半歲得疾歸帝數問閣臣嚴尚書
病愈否十五年兵部闕尚書特詔起補而清疾益甚不
能赴又三年卒贈太子太保諡恭肅清初拜尚書不能
具服色束素犀帶以朝或嘲之曰公釋褐時七品珖瑯
帶猶在邪清笑而已

志宦績

志宦績

志鄉賢二
十五

楊經字子正嘉靖丁未進士知成都府惟以平恕爲心
歸里助昏葬施藥餌多有隱德子同春萬厯丙子舉人
知息宰兩縣皆有遺愛遷南錦衣衛經歷卒於官

胡鳳來嘉靖己酉舉人由長史入爲部曹出知臨川府
所至有賢聲

郭斗字應秀嘉靖癸丑進士知孝感縣辨疑獄得真殺
人者伏其辜召爲南京戶科給事中轉山西按察副使
覈郵符寬民力尋調貴州平治道塗以利滇黔出入厯
貴州浙江左布政使再乞歸時賦詩作書構小樓於進
耳山扁舟往來會心自適者十餘年一夕方在吟席忽